

8 14. jan. Þingi hefur samþykkt og þjer, herra landshöfðingi, síðan hingað sent með brjefi 16. okt. f. á. frumvarp til laga um afnám svonefndra Mariu- og Pjeturslamba, þar sem farið er fram á, að sú sjerstaka skylda sem hvílir á nokkrum bændum í sumum prestaköllum í norður- og austuramtinu að fódra svonefnd Mariu- og Pjeturslömb fyrir sóknarpresta sína, skuli afnumin við næstu prestaskipti. Þjer hafið einnig getið þess í nefndu brjefi yðar, að fyrir prestaköll þau, sem hlut eiga að máli, Hjaltastað, Desjarmýri, Klippstað, Svalbarð og Saudanes nemi tekjugrein þessi eptir nógildandi verðlagsskrá 80 kr. 28 a., 62 kr. 44 a., 31 kr. 22 a., 55 kr. 92 a. og 69 kr. 90 a. á ári hverju og þannig sje að ræða um eigi allsendis óverulega tekjugrein fyrir prestaköll þau, sem hjer eiga hlut að, þar sem byrðin, að fódra eitt lamb að vetrinum til, geti að hinu leytnu eigi kallazt tilfinnanleg fyrir þá, sem hana eiga að bera. En hvað sem öðru líður, þá er auk þess hjer að ræða um lagarjett, sem hlutaðeigandi kirkjur eiga, og það verður að telja það ísjárvert að rýra tekjur prestakalla þessara, sem eru tekjulítil undir. Þess vegna verður ráðgjafinn að vera sömu skoðunar og þjer, herra landshöfðingi, að svo framarlega sem ástæða kynni að þykja til að ljetta byrði þessari af bændum þeim, sem hana eiga að bera, þá á einungis að gjöra það með lögum á þann hátt, að prestaköllunum sje um leið að fullu bættur tekjumissir sá, sem þau þar af leiðandi verða fyrir.

Eptir allraþegnsamlegustum tillögum ráðgjafans samkvæmt framanrituðu hefur hans hátign konunginum síðan þóknast 8. þ. m. allramildilegast að fallast á, að frumvarpi því til laga um afnám Mariu- og Pjeturslamba, sem alþingi hefur samþykkt, skuli synjað um staðfestingu konungs.

Þetta er eigi látið hjá líða í sambandi við brjef ráðgjafans 13. des. f. á. þjóntustusamlega að tjá yður til þóknanlegrar leiðbeiningar og til birtingar í B-ðeild Stjórnartíðindanna.

9 4. jan. Ágrip af brjefi landshöfðingja til bæjarfógetans í Reykjavík um endurborgun á láni handa Reykjavíkur kaupstað til vegagjörða. — Með brjefi þessu var leyft, að bráðabirgðalán það sem Reykjavíkur kaupstað var veitt með brjefi landshöfðingja 28. janúar f. á. (sbr. Stj.tíð. 1886 B 21) og sem var að upphæð 3500 kr. og átti að endurborgast að fullu innan ársloka 1886, megi endurborga á 15 árum með  $\frac{1}{15}$  árlega þannig að fyrsta afborgun sje greidd innan ársloka 1888. Af láninu greiðist 4% í vöxtu um árið frá lántökudegi.

10 4. jan. Brjef landshöfðingja til amtmannsins yfir norður- og austuramtinu um lög-tak fyrir ógoldnum grunnleigum til landssjóðs. — Með þóknanlegu brjefi, 16. nóvember síðastliðinn hafið þjer, herra amtmaður skýrt mjer frá, að sildarveiðarmenn 2, sem haustið 1882 fengu útmældar lóðir undir hús í landareign þjóðjarðarinnar Syðri-Bakka í Arnarneshreppi, hafi eigi goldið hina áskildu grunnleigu fyrir 1886, en hún er 50 kr. af hvorri lóðinni fyrir sig, er greiðist að hálfu til landssjóðs og að hálfu til leiguliða, og hafið þjer jafnframt, útaf fyrirspurn frá umboðsmanni Möðruvallaklausturs leitað úrlausnar minnar um það, hvort rjett sje að umboðsmaður þessi láti taka nefnda grunnleigu lögtaki í húsum þeim, er á lóðunum standa, eins og eptirgjald eptir þjóðjarðir, og hvort honum, ef svo væri, beri að krefjast lögtaks á grunnleigunni allri, eða aðeins á þeim helmingi hennar, sem á að renna í landssjóð.

Útaf þessu undanfelli jeg eigi hjermeð þjónustusamlega að tjá yður til þóknan- 10  
legrar leiðbeiningar, að jeg álít rjett, að hin umrædda grunnleiga, að því leyti sem hún 4. jan  
tilfellur landssjóði, sje tekin lögtaki á venjulegan hátt, samkvæmt 1. gr. 2. í lögum 16.  
desbr. 1885, sem annað gjald af fasteignum landssjóðsins.

### Auglýsing

um póstmál.

11

27. jan.

Það auglýsist hjermeð almenningi, að frá byrjun 2. ferðar austanpóstsins á þessu  
ári, verður á leið pósts þessa stofnuð ný brjefhirðing í Ölvesinu sem fyrst um sinn  
verður í Gljúfurárholti.

Reykjavík 27. janúar 1887.

Landshöfðinginn yfir Íslandi,

Magnús Stephensen.

Jón Jensson.

### Auglýsing.

12

24. febr.

Þeim 10000 krónum, sem samkvæmt 10. gr. C. 4. í fjárlögnum á að úthluta  
til sýslunefnda og bæjarstjórna fyrir árið 1887 til eflingar búnaði, að hálfu eptir fólks-  
fjölda og að hálfu eptir tölu samanlagðra jarðarhundraða og lausafjórðunda, hefur nú  
verið skipt svo milli hinna einstöku sýslu- og bæjarfjelaga, sem eptirfylgjandi tafla sýnir:

Sýslu- og bæjarfjelög.	Lausafjár- hundruð árið 1884.	Fasteignar- hundr. eptir jarðab. 1861 og l. 15/8 85	Manntal 1/10 1880.	Upphæð, kr.
1. Austur-Skaptafellssýsla . . . . .	1160,4	1013,5	1275	170
2. Vestur-Skaptafellssýsla . . . . .	2042,6	2049,5	2229	310
3. Rangárvallasýsla . . . . .	3741,6	7082,9	5360	780
4. Árnessýsla . . . . .	4604,2	8606,8	6257	930
5. Vestmannaeyjasýsla . . . . .	80,6	389,5	557	60
6. Gullbringu- og Kjósarsýsla . . . . .	1889,2	4821,5	5660	640
7. Reykjavíkurkaupstaður . . . . .	167,5	355,5	2567	200
8. Borgarfjarðarsýsla . . . . .	1495,8	3747,4	2598	380
9. Mýrasýsla . . . . .	1587,2	3286,2	2328	340
10. Snæfellsness- og Hnappadalssýsla . . . . .	1125,4	4261,7	3272	430
11. Dalasýsla . . . . .	1605,4	3692,6	2357	360
12. Barðastrandarsýsla . . . . .	1009,7	3877,2	2857	380
13. Ísafjarðarsýsla . . . . .	1705,0	3768,7	5033	550
14. Ísafjarðarkaupstaður . . . . .	106,0	14,4	518	40
15. Strandasýsla . . . . .	856,7	1554,2	1861	220
16. Húnavatnssýsla . . . . .	4341,0	7209,4	5028	780
17. Skagafjarðarsýsla . . . . .	3643,0	7667,9	4599	740
18. Eyjafjarðarsýsla . . . . .	3541,5	7901,0	4780	760
19. Akureyrarkaupstaður . . . . .	121,5	12,3	545	40
20. Norður-Þingeyjarsýsla . . . . .	1053,3	1840,8	1571	220
21. Suður-Þingeyjarsýsla . . . . .	2850,6	5191,6	3765	560
22. Norður-Múlasýsla . . . . .	4144,0	4159,0	3825	580
23. Suður-Múlasýsla . . . . .	3527,4	3866,0	3603	530
Samtals	46399,6	86369,6	72445	10000